

精校冷廬醫話

千頃堂書局  
印行



冷廬醫話卷二

桐鄉 陸以活 定圃氏著

古人

京師先醫廟始於明嘉靖間

按元貞元間建三皇廟內祀三皇並歷代名醫十餘人至是始定為先醫廟

本朝因之中奉伏羲左神農右黃帝均南面向芒風后東位西向祝融力

牧西位東向東廡儻貸季天師岐伯伯高少師太乙雷公伊尹倉公淳于

意華陀皇甫謐巢元方藥王韋慈藏錢乙劉完素李杲皆西向西廡鬼史

區俞跗少俞桐君馬師皇神應王扁鵲張機王叔和抱朴子葛洪真人孫

思邈啟元子王冰朱肱張元素朱彥修皆東向以北為上歲以春冬仲月

上甲遣官致祭按韋慈藏名訊道唐人施藥濟世因有藥王之稱今世俗

之祀藥王者塑像為弁服而以王為皇未知出何典故渤海秦越人受桑

君之祕術遂洞明醫道以其與軒轅時扁鵲相類乃號之為扁鵲又家於

廬國乃命之曰廬醫世或以廬扁為二人繆矣語見楊元操集注難經序

凡為名醫必有傳授之師如孫文垣一奎之師黃古潭張景岳介賓之師



金夢石此皆青出於藍而師之名轉賴徒以傳漢張仲景稱醫中之聖其師為張伯祖自非仲景誰復知有張伯祖哉傳道貴得其人非獨聖門為然矣

張仲景醫中之聖也華元化醫中之仙也二人同時范氏祇為元化作傳烏得稱良史乎

明代以醫名而為顯官名列史傳者有二人曰許紳曰王綸許官尚書因

醫而始顯者也王官巡撫既顯而猶醫者也然許能拯世宗於已絕明史

而野獲編今言所載較詳野獲編云嘉靖壬寅年上寢於端妃所宮楊

幸諸婢不諳結行弒用繩繫上翻布塞上口以數人踞上腹絞之已垂絕矣

進之未時忽作聲去紫血數升申時遂能言又三四而不能自療其驚悸

劑平氣活血聖躬遂安次年紳以藥驚憂病死王所在治疾無不立效而不能自

明史紳得疾曰曩者宮變吾自分不效王所在治疾無不立效而不能自

知服藥之誤續名醫類案節齋得心腹疾訪峨眉道者治之道者問公於

元史方伎傳醫家僅列李東垣言其學於傷寒癰疽眼目為尤長而不及



中國醫藥大學圖書館

脾胃載治驗有六皆不詳其所用之藥史例大率如此然而略矣  
道士知醫最著名者有崔紫虛僧則有深師荆山浮圖師慎柔和尚宦官  
則有羅大無知悌婦女則有胡宗仁之母徐氏妻李氏醫任死生之重而  
通性命之微固無人不當學也特非盡人所能學耳  
上古俞跗治病能割皮解肌湔洗腸胃漱滌五臟華元化猶傳其術史所  
稱剗破腹背抽割積聚是也華以後能之者無聞焉雖有弟子吳普樊阿  
不盡其奧豈神奇之術非其人勿傳歟

續名醫類案卷三十奇疾門錢國賓案注云錢塘人萬歷時人有壽世堂  
醫案四十則多奇疾乃刻本由杭太史堇甫處借得凡三十二字 閣本  
無魏氏家藏本有奇疾門錢論肉行一症可補瘟疫諸書之缺云癸亥冬  
山海天行時疫病者頭痛發熱惡心口渴神昏欲寐四肢不舉其肉推之  
則一堆平之則如故醫有作傷寒者有作時氣者投以發散藥無不加重  
死者數百時督師閣部孫及贊畫各傷一僕至乙丑春錢之關門謁太師  
談次問及曰此症天行時疫名肉行人肉屬土土燥則崩土濕則流其邪





感於血脈肌肉不比傷寒所治古今醫集不載止於官邸便方見此異症  
 一欵因人血枯而感天時不正之氣當大補血用首烏枸杞歸地等味少  
 加羌活風藥足以應病矣若經發散立死無疑又治足跟響至頭聲如雷  
 診脈五部皆和獨腎乳大舉之始見按之似無乃腎敗也腎經自足走頭  
 腎主骨腎虛則體空空則鳴所以骨響以六味丸加紫河車膏虎骨膏猪  
 髓枸杞杜仲服之愈又治兩膊紅十數條頭粗尾共腹大長尺許闊寸許  
 曰此青蛇異氣不急治蛇形入腹而死或生大小腿如頭向上故入腹亦  
 死以鍼挑破頭尾使其不走流出惡血又研明雄黃唾調塗患處內服清  
 涼敗毒散而愈

防風荆芥白芷羌活黃芩黃連金銀花槐子甘草當歸生地各一錢

觀此則錢亦當時名手

而今罕有知之者不有續名醫類案不幾湮沒無傳乎

古今醫案類按云高果哉先生乃王金壇之高弟準繩序中所謂嘉善高  
 生隱士也余童時習聞父老傳誦其治病如神著有醫林廣見及雜症二  
 書未曾刊印得之者珍如拱璧又有醫案數卷立方頗多奇巧然險峻亦  
 難輕試略選數條以存吾邑文獻其卷七一條云魏子一患嗜唇乾燥自

服麥冬一兩生地四錢元參二錢五味一錢甘草六分烏梅三個雖有小  
效而病根不去高云此症宜用神水其法以鉛鎔化散澆於地成薄片取  
起翦作長條數塊以一頭鑽眼懸吊於鍋鍋內置燒酒燒酒之上仰張一  
盆與鉛片相近鍋下燃火使酒沸而氣上沖於鉛片鉛片上有水滴下盆  
內謂之神水取服之以此水從下而上能升腎中之水救上之乾燥也按  
本草綱目所載神水指五月五日午時竹竿中雨水其主治亦異此可以  
補方書之缺特錄之

今人

吾里張雲寰先生

李瀛桐鄉縣人

醫學深邃求治者門常如市余表兄周

士勳夏

日身熱不退脈虛自汗醫用清暑藥不效先生診之曰口不渴舌少胎且  
神氣虛弱乃大虛症也再服清暑藥脫矣投以八珍大補之劑獲愈其子  
鐵葫上舍禾亦精醫理診病膽識絕人有鄉農病喘十餘日服藥不效登  
門求治令服小青龍湯鄉農有難色張曰服此藥二劑仍不得卧者余甘  
任其咎鄉農去家人訝其失言張曰彼喘而延至十餘日不死非實症不

能又何疑焉閱數日鄉農復來則病果瘳矣

臨海洪萊園孝廉

裕封

精醫理嘗言古方書如傷寒金匱今方書如臨證

指南誠能專心玩索診疾自能奏功台郡少良醫由於昧所適從僅讀藥性賦湯頭歌括及醫宗必讀等書耳其治病每以古方獲效文參軍之子患暑症初微惡寒後壯熱汗出噁氣腹痞口乾渴面腫頭痛大小便少醫用葛根桔梗製半夏薄荷佩蘭赤苓通草杏仁蘆根等藥漸覺氣急神昏萊園診之謂脈大舌黃是白虎湯症也投一劑諸症皆減改用鮮石斛黃連生甘草金銀花瓜蒞實等味而痊張明經患春溫惡寒發熱喉爛醫用甘桔荆防牛蒡等味病不減萊園投以黃芩湯加連翹殼杏仁一劑獲愈此真善用古方者

嫡兄星槎先生

瀚

少好學以多病兼玩醫書久而精能宰化縣年老罷官

貧不能歸乃懸壺於會城順德縣縣令徐某之子夏月泄瀉服清暑利濕藥不效漸至發熱不食神疲息微徐年已暮祇此一子計無所出延兄求治兄曰此由寒藥傷脾陽虛欲脫宜進溫藥以救之因用附子理中湯徐

疑不敢服。凡曰此生死關頭前藥已誤，豈可再誤？設此藥有疏虞，我當任其咎。服藥諸症俱輕，連進數劑全愈。徐大喜，傾囊厚贈，復為乞援。同寮因得全家歸里。兄著有製方贅說行世。

錢塘呂棊村司馬

震名

官湖北，有政聲。忽動歸思，僑居吳門，為人治疾多

獲效。潘太史

遵祁

病瘴，服茵陳湯不效。服平胃散又不效。腕中若藏井底

泥米，飲至前，輒噦。呂診之曰：濕固是已。此寒濕宜溫之，與五苓散加附子

藥下咽，胸次爽然。方氏子傷寒疾革，議用牛黃清心丸。呂曰：邪在腑上，蒙

心包，開之是揖盜也。宜急下存陰，投以犀連承氣湯。一服病愈。葉氏女週

歲，遭疾將殆，仰卧胸膈如阜，呻吟拒按。呂曰：此結胸也。服小陷胸湯立效。

呂酷好醫書，徧覽百家，而一以仲景為宗。嘗言：仲景傷寒立法，能從六經

辨症，則雖繁劇如傷寒，不為多岐所誤。而雜症即一以貫之，其為醫也，問

切精審，不雜一他語。立方必起草閱數刻始安。一家有病者數人，一一處

之無倦容。暇輒手自撰論，闡發仲景之學。著有傷寒尋源行於世。

青浦何書田

其偉

家世能醫，初為諸生，專於學工。古今體詩未嘗為醫自



其父元長先生卒念世業不可無繼稍稍為之名大噪有徐姓者昏熱發  
狂力能踰牆屋何曰是邪食交結也則其人果以酷暑食水澆飯旋就柳  
陰下卧也以大黃枳實下之而愈金澤鎮某生逾冠未婚得狂疾用并黃  
清心加味法而屬其家人於煮藥時覆女子褻衣於其上兩劑而愈門人  
疑之何曰是陰陽易法吾用之偶驗耳嘗作醫論詩云治病與作文其道  
本一貫病者文之題切脈痿理現見到無游移方成貴果斷某經用某藥  
一味不可亂心靈則手敏法熟用益便隨症有新獲豈為症所難不見古  
文家萬篇局萬變此可見其生平所得力矣

表兄周乙藜學博

士照

潛研醫理嘗治分水典史王某之妻兩臂攣不能

舉面色黯淡脈沈緩諸藥不效令服活絡丹數服即愈後以治手臂足臄  
攣腫之屬寒濕者皆效乙藜之戚張氏婦體弱惡食月信已停八月就診  
於蘇州名醫何氏診之云是經阻令服通藥乙藜診之曰六脈滑疾右寸  
尤甚是孕也且必得男以安胎藥與之閱四月果生男

烏程鈕松泉殿撰

福保

之父晴嵐封翁

芳鼎

精外科術貧者求治不取錢

且贈以藥製藥不惜重值拯治危症甚多殿撰尤好岐黃書在京師每為人治愈危疾嘗治其同年之母高年患痢醫用芍藥湯不效轉益困篤身熱不食殿撰詢知病前曾多食蟹診脈左弦數右數而弱舌胎中黑腹痛喜按力排眾議專主熱藥用熟附子八分炮薑一錢白芍一錢吳茱萸五分分焦白朮三錢茯苓三錢肉桂八分炙甘草一錢砂仁五分陳皮五分薑二片一劑痢稀熱減去茱萸陳皮加丁香木香二劑痢止改用補中益氣湯加附桂炮薑全愈殿撰有診治醫案一冊名曰春冰集蓋言慎也

吳江陳夢琴茂才

希恕

家居蘆墟其曾祖為諸生者名策得外科秘方於

外家潘氏始為醫茂才幼好學有聲庠序間壯歲家中落母令習家學可養生兼可治生乃從其兄省吾上舍

希曾

學期年而業成生平所治疾悉

錄成為書積三百二十二卷手撮其要為十冊以訓子姪其壻沈沃之學博曰富擇取之為婦翁陳先生治疾記篇長不備錄錄其尤者一人無故

舌出於口寸餘他醫遵古方薰以巴豆煙飲以清心脾藥不效先生命取雞冠血塗之使人持銅鉦立其後擲於地聲大而騰病者愕顧而舌收矣

或問其故先生曰舌為心苗心主血用從其類必雞冠者清高之分精華所聚也擲鉦於地者驚氣先入心治其原也

外墜瓦盆作聲而舌收此蓋從其法化出

先生治疾以至之先後為序一日忽於眾中呼一人前問所患曰臂有微腫視之僅一小疱先生潛謂同來者曰此白刃疔試視其額端已起白色速歸矣危在須臾其人方出門面部白色漸趨口角未至家死

徐氏子年二十餘四肢不舉昏昏欲寐食後益甚莫識其症先生曰是見肘后方名曰穀勞由飽食即卧而得以川椒乾薑焙麥芽為丸服之遂瘳有食鴉片煙者偏體發疱痛癢交作抑搔膚脫終日昏憤語言誕妄先生曰此中毒之最甚者尋常解法恐不及濟用硃砂一兩與琥珀同研末犀角磨汁和三豆湯進之神志頓清偏體無皮痛不可忍復磨菖蒲萊菔豆為粉塵粘席乃得安卧不半月愈

胡氏子咽痛氣急勺水不能下或曰風温或曰風痰先生切其脈細微手足清而脾滑曰虛寒喉痺也用理中湯觀者皆駭相顧先生曰急服之遲

將不及苟無效余任咎耳覆杯而平

吾邑張夢盧學博千里少工詩文長精醫術家居後珠村就診之每日以

百計醫金所入半賙親友不置生產惟聚書數萬卷而已時長興臧孝廉

壽茶

有文名張延課諸子臧亦通醫理嘗問張曰長洲葉氏忘用茶胡吳

江徐氏譏之先生亦不輕用此味得毋為葉說所惑曰非也江浙人病多

挾濕輕投提劑瞑眩可必獲效猶賒葉氏實閱歷之言徐氏乃拘泥之說

此河間所以有古方不可從之激論也臧曰聞先生治瘡瘍不用升藥何

也曰升藥即漢之五毒藥其方法見瘍醫後鄭注自來瘍醫皆用之然諸

瘡皆屬於心心為火藏又南人瘡瘍皆由濕熱若更劑以剛烈熬煉之藥

弱者必痛傷其心氣强者必反增其熱毒此所謂不可輕用也張生平拯

危疾甚多尤著者湖州歸某寒疝宿飲沈綿四年諸藥不應投一方立效

三易方全愈茲錄於後初診云肝陽鬱勃動必犯胃久則胃氣大傷全失

中和之用以致肝之鬱勃者聚而為疝胃之停蓄者聚而為飲疝動於下

則飲溢於中所以居常胃氣不振時有厥氣攻逆自下而上懊懷痞滿必



嘔吐酸綠之濁飲而後中陽得通便溺漸行此所謂寒疝宿飲互為病也

病經數年宜緩以圖之若得怡情舒鬱當可全愈茯苓三錢桂枝三分生冬朮一錢半炙甘草四分

分小川連三分吳茱萸泡淡三分乾薑三分製半夏一分次診云寒疝宿飲

錢枳實炒五分白芍酒炒一錢半生薑三分竹茹七分

盤踞於中久而不和陽明大失中和之用今腸漸通降屢次所下黑黃乾

堅之矢既多且暢則腸腑之蓄積者得以漸去腸通然後胃和此數年來

病之大轉機也蓋飲疝互擾皆在陽明下流壅塞則上流何能受感傳導

盆滿必上溢此理之易明者也今宜專與養胃以漸漸充復其受感傳導

之職機不可失正在此時至於痔瘻溺少皆屬陽明可一貫也黨參三錢橘皮錢半

茯苓二錢製半夏一錢麥冬去心錢半火麻仁二錢炒杏仁去皮共二錢白蒺藜炒去刺二錢刀豆炒研三錢黑芝麻三錢柿餅煨半枚白杭米

撮三診云病纏三四年至今秋纔得腸腑通潤燥矢漸來繼以溏潤然後

胃脈不致上逆嘔吐止而飲食進可見陽明之病以通為補也今深秋燥

令痔必稍愈仍宜柔養陽明以期漸漸充復黨參三錢橘皮錢半茯苓二錢製半夏一錢麥冬去心錢

半菴米二錢金石斛三錢棗仁炒研二錢生甘草四分鹽皮膠二錢柿餅半枚荷葉一角

歷代宰相通醫理者伊尹而後狄梁公陸忠宣公范文正公是已我

朝山陽汪文端公亦諳醫理其評吳鞠通溫病條辨有云溫熱濕溫為本  
書兩大綱溫熱從口鼻吸受並無寒症最忌辛溫表散但當認定內裡勿  
與傷寒混雜再能三焦投藥辨清氣血營衛不失先後緩急之序便不致  
誤濕溫為三氣雜感濁陰瀰漫有寒有熱傳變不一全要細察兼證辨明  
經絡臟腑氣血陰陽濕熱二氣偏多偏少方可論治又云熱症清之則愈  
濕症宣之則愈重者往往宣之未愈待其化熱而後清清而後愈一為陽  
病一兼陰病難易較然觀此知公學識之精矣

吾里孔行舟上舍

廣福

善醫治外感尤精嘗云噤口痢半因誤藥而成醫

者治痢輒用葛根濕熱提入陽明遂至噦逆不食變成險症急投以黃連  
乾薑庶克有濟余見近世治外感不辨手足六經輒用葛根柴胡溫病遇  
之鮮不輕者至重重者至死病家不識藥性以為疾不可治而不知醫實  
殺之也可慨也夫

續名醫類案云鮑萊飲年二十餘夏月至飲受熱鼻衄愈後偶啖棗遂得  
吐症蓋肝火而胃寒也百治無效聞說吐字則應聲而嘔後至吳門就

葉氏診以其脈沈細令服附子理中湯參薑附俱用三錢服後出門行  
及半里覺頭重目眩急歸寓及門而仆其尊人諳藥性謂必中附毒亟  
煎甘草灌之良久乃甦後去附子仍服三劑吐轉甚再往診仍令服前  
方遂改就薛氏告以故薛用六君子湯服四劑無驗冬月感寒增咳嗽  
綿至夏余偶訪知則病劇詢知為向患吐近復二便秘已七八日不食  
惟渴飲茶水更醫數人或言令以艾灸臍俱不應請診之見其面色青  
悴脈弦伏而寸上溢謂此緣脾陰大虧木火熾盛又因久咳肺虛肝無  
所畏遂下乘脾而上侮胃致成關格幸脈不數易治也宜先平其肝俾  
不上衝而吐止斯肺得下降而便行令以黃連肉桂各五分隔湯蒸服  
飲下覺吐稍止即能食糕數塊然二便脹不可支令以大田螺一枚搗  
爛罨於丹田以物繫定不逾時二便俱行所下皆青色遂霍然而愈時  
甲戌五月二十七日也

按甲戌為乾隆十九年葉天士卒於乾隆十年  
診疾者當是其後人若出天士手必不若是

後

以六味加減入沙參麥冬等咳嗽亦止向後常服養榮之劑吐不復作  
余按鮑刊名醫類案魏為校正鮑賦夕陽詩魏亦和作二人之交情非

比尋常蓋有由然矣

上元葛芝山布衣

鑄

少孤極貧讀書僧寺遇異人授書一卷乃岐黃家言

其方甚秘習之以治病效如神羣小兒戲一人張口而跳覺伏門限舌斷

墮地一人騎門限坐力猛腎囊破畢丸墜葛悉為安之自朝至日中門庭

如市口講手畫無倦色午後携百錢獨游或採藥或看花或冒雨雪提酒

榼訪知己當道聞名迎者沓至則說曰葛某窮士藉醫苟活實無伎倆昨

誤殺人羣聚毆之已遁矣其志趣如此尤精砭法凡病赤遊風汗不得發

死者十八九宜以血代汗葛削竹夾瓷砭之出血如珠密排而不流

立愈蓋輕則皮不破重則肉傷無第二手也咸豐癸丑三月賊陷金陵骨

為內醫官不從十四日既夕昇舊制兩棺於廳事出白金九錠分贈鄰里

且託身後事遂與妻周氏縱飲沈醉整衣冠各入棺呼其兄子蓋而釘之

時夜將半至四更聞棺中格格然蓋氣始絕也其友當塗馬鶴船學博

壽齡為作詩余撮其略如此惜不得其治驗方云

陳載庵

坤

居山陰之柯橋承其父梅峯先生

燦

之傳虛心臨證屢救危殆



猶復廣搜書籍研究忘倦咸豐丁巳春訪余於武林相見恨晚各出所藏秘笈互鈔載庵之長子幼時喉痛數日徧身發皨如剝皮狀痛癢難堪醫者不識載庵焦思無計忽憶唐笠山吳醫彙講中曾載名曰虜瘡須以蜜煎升麻拭摩若不即療必死乃即如法治之蜜隨塗隨消二晝夜用蜜數升遂愈其好學之獲效有如此

杭州趙芸閣秦勤求醫理洞燭病機其戚有為醫誤治服利濕藥以致危殆者二人趙皆拯治獲痊其一患淋症小便澁痛異常服五苓八正等益劇趙詢知小便濃濁曰敗精留塞隧道非濕熱也用虎杖散入兩頭共韭根等與之小便得通而愈其一膝以下腫醫用五苓腫更甚趙以其腫處甚冷而面色眊白知是陽虛令服金匱腎氣丸而愈夫南方濕病居多此此二症多挾濕者茲獨不宜於利濕藥可知治病不當執一非學識之精者焉能無誤哉

吾邑沈吟梅州判炳榮熟精醫理官直隸時曾治一婦年二十八因喪夫而得顛疾時發笑聲用六味地黃湯加犀角一錢服二劑即痊蓋笑主心

